

СУРЕТШІЛЕР БАЙҚАУЫ ӨТТІ



Сырдария ауданындағы Қоғалыкөл ауылында «Балалар жылы» аясында шын талантты шығармашылығын, ой-өрісін, қабілетін дамыту бағытында облыстық суретшілер байқауы өтті. Сән және қолтаңбалы өнер шебері, КСРО және Қазақстан Суретшілер одағының мүшесі Ләтипа Қожықованың 130 жылдығы аясында Қоғалыкөл ауылдық клубының ұйымдастыруымен өткен «Өмірі үлгілі – өнері өнеге» байқауына 9 қызылқалам шебері қатысты. Облыстық байқауда 8-14 жас аралығындағы балалар өзара бақ сынады. Екі кезең бойынша шеберлік байқасқан суретшілер қатарында қоғалыкөлдік Әсет Қуаныш, қармашылық Дильназ Тынышбекова, шиелік Айбек Нәсихат, Айгөре Құралбаева, жағаштық Айнур Құдайұл, Салауат Ібабділда, ажармалық Асылжан Өлпейді, қызылордалық Жандос Мұхтаров, аманкелділік Ақнұр Базарбай бар. Алғашқы кезеңде суретшілер өнер шебері Ләтипа Қожықованың портретін салды. Ал екінші тақырыпта салынған суретте олардың шығармашылық әлеуеті сан қырынан байқалды. Суретшілердің туындыларына аудандық мәдениет үйінің мәдени ұйымдастырушысы Әбдірайым Тоқаяқов, №44 орта мектептің көркем өнер пәнінің мұғалімдері Ләззат Бакирова мен Жанкербек Қосжанова бағасын берді.

Қоғалыкөлдік дарын иесі дәріптелген байқау қорытындысы бойынша жүлделі ІІІ орынды қоғалыкөлдік Әсет Қуаныш пен қармашылық Дильназ Тынышбекова, ІІ орынды шиелік Айгөре Құралбаева, І орынды аманкелділік Ақнұр Базарбай иеленді.

АҚЫН АРДАҚТАЛҒАН КҮН



Быыл белгілі ақын, Қазақстан және Халықаралық Жазушылар одағының мүшесі, ҚР мәдениет қайраткері Жетіскен Мәкеналының дүниеге келгеніне 70 жыл толды. Сыр өңірінің рухани-мәдени және қоғамдық-саяси өмірінде өзіндік дара қолтаңбасы қалған тұлғаның мерейтойына орай Жетіскен Мәкеналының атына көше беріліп, ақынның есімі ұлықталды.

Көшенің ашылу салтанатында аудандық мәслихат хатшысы Бақытжан Жарықпап, Қызылорда облысының құрметті азаматы Самұрат Мамандосов, қоғам қайраткері, Арал, Қазалы және Жаңақорған аудандарының құрметті азаматы Нәжмадин Мұсабаев, аудандық ардагерлер кеңесінің төрағасы Оразғали Бекбанов қатысып, естелікпен бөлісті.

Ардақты азаматты ұлықтауға арналған шара Р.Бағланова атындағы мәдениет орталығында «Нұрлы ғұмыр» атты әдеби-сазды кешке ұласты. Тағылымды шарада Жетіскен Мәкеналының бала шағынан бастап еңбек жолынан ерекше қойылымдар қойылды.

Аудандық «Қазалы» газетінің бас редакторы Есет Табынбаев ақынның өлеңдерін нақшына келтіріп орындаса, өнерпаздар Жетіскен Мәкеналының сөздеріне жазылған әндерін әуелете шырақад.

СЫР БАСПАСӨЗІНІҢ САҒЛАҒЫ



Өткен аптада «Достық» үйінің мәжіліс залында «Сыр баспасөзіндегі 1960-1980 жылдар: редактор Қақбай Әбенәттің рөлі» атты ғылыми-танымдық конференция өтті.

Облыс әкімінің орынбасары Нұрымбет Сақтағанов «Қаламгер-қайраткер Қақбай Әбенәттің өмір жолы мен қайраткерлік қарымы» тақырыбында баяндама жасады. «Журналистік шеберлік және дестур сабақтастығы» тақырыбында Қорқыт ата атындағы Қызылорда университетінің профессоры, филология ғылымдарының кандидаты Фабиет Тұяқбаев баяндады.

Ал «Сыр медиа» ЖШС бас директоры, Қазақстан Журналистер Одағының облыстық филиал төрағасы Аманжол Оңарбаев «Сыр бойы» газеті және деректер дәйегі тақырыбында редактор еңбек еткен жылдардағы тарихи оқиғаларға тоқталып, оған қосқан редактордың үлесін айрықша атап өтті.

Екі ел арасындағы байланыстың 80 жылдан астам тарихы бар. Қызылорда облысына Кеңес заманында депортацияланған корейлердің ұрпақтары қоныстанып, тату-тәтті өмір сүруде. Атажұртпен байланысын үзбей, ұлтаралық ынтымақты нығайтуға күш салуда. Корея тарапы да мұндай қадамға құлықты екенін білдіріп, араға жыл салып, ресми өкілін Сыр еліне аттандырды. Бұл жолы да үрдіс үзілмеді. Жұырда аймаққа Корея Республикасы Парламентінің Депутаты У Вон Сик бастаған делегация өкілдері арнайы келіп, өңір тынысымен танысты. Сапар барысында делегация облыс әкімі Нұрлыбек Нәлібаевпен кездесіп, аймақ үшін маңызды бірлескен жобаларды жүзеге асыруға ниетті екенін жеткізді.

Әңгіме барысында облыс әкімі Сеул қаласында орын алған қайғылы оқиғаға байланысты Корея халқына аймақ тұрғындары атынан көңіл айтып, оқиға салдарынан жараланғандардың сауығып кетуін тіледі. Сондай-ақ ел арасындағы жан-жақты ынтымақтастық орнағанын, алдағы уақытта да тиімді әріптестік аясы кеңейе түсетініне сенім білдірді.

«Елімізде әр этностың өз тамырынан ажырамай, тілі мен ділін сақтауына барлық жағдай жасалған. Корея бауырларымыз өздерінің адал еңбегімен аймақтың мәдени-рухани, аграрлық және әлеуметтік-экономикалық дамуына зор үлестерін қосуда.

Қазақтар да, корейлер де Тәуелсіздіктің қадір-

қасиетін жақсы түсінеді. Бұл ретте, Кореяның азаттығы үшін күрескен бірегей тұлға, нағыз батыр Хон Бом Доны атап өтпеске болмайды.

Тағдырдың жазуымен өмірінің соңғы жылдарын қазақ жерінде өткізген батырдың құрметіне Қызылорда қаласында мемориал тұрғызылып, оның есімімен қала көшесінің бірі аталды. Екі ел Президенттері арасындағы келісімге сәйкес Кореяның ұлттық батыры Хон Бом До сүйегін тарихи отанына қайтару рәсімі өткізілген болатын. Бұл – Қазақстанның корей жұртына деген шынайы ықыласы мен зор құрметінің белгісі», – деді облыс әкімі.

Кездесу нәтижесінде қос тарап Меморандумға қол жеткізді. Келісімге сәйкес, Қызылорда қаласында орналасқан Хон Бом До мемориалдық кешеніне қайта жаңғырту және ұйымна 173 компьютер табыстау жүзеге асырылmaq. Аймақ басшысы делегацияның бастамалары үшін алғыс білдіріп, алдағы уақытта өңір үшін маңызды жобаларды бірлесіп жүзеге асыруды ұсынды.

Атап айтқанда, қаланың сол жағалау аймағында дарынды балаларға арналған физика-математикалық мектеп және емхана құрылысын салу үшін корейлық компанияларды шақыру туралы ұсыныс жеткізді. Оған қоса Хон Бом До топырағы қайта

жер-ленген Тэчжон қаласы



мен ауыл-шаруашылық саласы дамыған Чоллабук-до провинциясымен ынтымақтастық орнатуға ниет білдірді. Өз кезегінде У Вон Сик ортақ ұсынысты қабыл алып, екіжақты байланысты одан әрі нығайтуға мүдделі екенін жеткізді және мектеп, емхана құрылысын жүргізуге қолдау білдіретінін баса айтты. Ал, келесі жылдың қыркүйегінен бастап іргелі оқу орны Қорқыт ата университетінен арнайы IT бөлім ашуға мүдделік танытты.

Р.С. Ынтымақ – ырсы бастауы. Көршімен ғана емес, алыстағы әуртпен де тату болу елдің өрісін кеңейтіп, келешегін кемел ететіні сөзсіз. Осы орайда Сыр өңіріне келген қонақтардың қоғалаған бастамасы өңір дамуына үлес қосары анық.

Корей ұлтының Сыр өңірімен тарихы тамырлас. Өткеннің шырағат жолы мыңдаған корей азаматын Сыр өңіріне әкеліп, халықпен етене байланысуға итермеледі. Қос ұлт бір-біріне қолдау білдіріп, барын аямай еңбек етті. Әсіресе, күрші өсіру ісінде қоян-қолтық жұмыс істеу нәтижесінде өңірдің даму динамикасын ілгерілеткенін білеміз. Міне, быыл Қазақстан Республикасы мен Корея арасындағы дипломатиялық қарым-қатынастың қалыптасқанына 30 жыл толу-да. Осы аралықта қазақ-корей халықаралық қатынасы жаңа деңгейге көтеріліп, сенімді достық нығая түскен.

ҚАЗАҚ-КОРЕЙ: МЕКТЕП ПЕН ЕМХАНА САЛЫНАДЫ

ҚЫСТАН ҚЫСЫЛМАЙ ШЫҒУДЫҢ ЖОЛЫ ҚАНДАЙ?

Қыс келсе, қиындық та килігеді. Ол аздай, су деңгейі, мұз қату, жол жабы сөкілді мәселелер өл-жұрттың алаңын ұдететін анық. Олқылықтың салдарымен емес, себебімен күресудің мәнін түсінген жауапты мекемелер жағдайды бақылауға алуға асығуда. Түрлі деңгейдегі жиындар өтіп, саладағы салмақты мәселелер қозғалып келеді. Аталған тақырыпқа байланысты төтенше жағдайлардың алдын алу және оларды жою жөніндегі облыстық комиссияның кезекті отырысында осы санатқа жатқызуға болады.

Аймақ басшысының төрағалығымен өткен басқосуда облыс әкімі аппараты басшысының орынбасары Жандос Еркінбек ықтимал су тасқынының алдын алу мәселелері бойынша атқарылуға тиіс жұмыстарды баяндады. Оның айтуынша, өңірде мол суды қауіпсіз өткізу мақсатында қорғаныс бөгеттері мен су шаруашылығы нысандарының ахуалы зерттелуде. Оған қоса жөндеу, күйейту және қалпына келтіру жұмыстары да назарға алыныпты. Аймақ басшысы су деңгейі төлсіз, мұз қату кезінде қауіпсіздік шараларын сақтап, ең қауіпті деген тұстарды алдын ала анықтауды уақытылы жасауды тапсырды. Бұл ретте қажетті техника мен құрал-жабдықтарды әзірлеуді тиісінше түрде орындау керек екенін алға тартты. Отырыста қысқы мұз ұстау кезінде су деңгейі көтеріліп, елді мекендерге, инфрақұрылымға су басу қаупі туындауы ықтимал Арал, Қазалы, Қармақшы ауданының әкімдері баяндама жасады. Сондай-ақ, Арал-Сырдария бассейндік инспекциясы мен «Қазсушар» РМК ішінде, «Қызылорда-Жезқазған» трассасы бойындағы ұялы байланыстың болмауы, автожол бойындағы қар басу қаупі бар учаскелерді қардан тазалау үшін арнайы техникалар және жылтыру бекеттері дайындығы

және аймақтағы қалыңмалы көпірлердің жағдайы бақылауды қажет етеді. Осыған орай, алдын-ала арнайы техника мен жылтыру бекеттерінің дайындығын пысықтап, төтенше жағдайдан зардап шегушілерге көмек көрсету үшін қажетті бұйымдарды әзірлеу тапсырылды. Сондай-ақ, жауапты мекемелерге халықты қауіпсіздік шаралары туралы кеңінен ақпараттандыру бойынша міндет жүктелді. Басқосуда айтылған мәселенің барлығы алда кезігуі ықтимал олыпқы, Сондықтан әрбір маманға жүктелген міндет пен тапсырылған жұмыс мыңдаған адамның өмірі мен мүлкін сақтап, экономикалық шығынның алдын алуға қол ашады.



«ҚАЙСАР» ПРЕМЬЕР-ЛИГАҒА ЖОЛДАМА АЛДЫ



Ел біріншілігінің 25-туры қызылордалық «Қайсар» үшін маңызды болды. Бұл ойында команда капитаны Мақсат Байжанов кәсіби мансабын аяқтау туралы шешім қабылдаса, турдың орталық матчында алаң иелеріне ұпайдан шашау шығармау керек болды. Өйткені «дала қасқырларына» тең нәтиженің өзі премьер-лига жолдамасын жеңіп алуға жеткілікті. Кездесуге облыс әкімі Нұрлыбек Нәлібаев арнайы келіп, «дала қасқырларына» қолдау көрсетті.

Турдың орталық матчына балаған кездесуде есеп ашылмады. Тоқсан минуттық тартыста бір ұпай еншілеген «Қайсар» 55 ұпаймен мерзімінен бұрын премьер-лигаға жолдама алды.

Ойын нәтижесінен кейін аймақ басшысы берсін, — деді облыс әкімі. Шара барысында облыс әкімі Нұрлыбек Нәлібаев Мақсатқа Сыр халқының атынан теміртұлпар кілтін табыстады.

Сонымен қатар аймақ басшысы келер жылы Қызылордада жаңа стадион салу бастамасы қолға алынатынын айтты.

— Ресейдің Краснодар қаласында былтыр 10 мың орындық 12 миллион долларға жаңа стадион салынған екен. Келесі жылы біз де сондай жаңа стадион құрылысын бастауға ниеттіміз. Бұл ұсынысты жерлестерім, ірі компаниялар және кәсіпкерлер қолдайды деп сенемін, — деді Н.Нәлібаев.

Сыр жаң-күйерлерін «Қайсардың» премьер-лига жолдамасын жеңіп алуымен құттықтады. Сонымен қатар команда капитаны Мақсат Байжановқа құрмет көрсетті.

— Сыр спортының саңлағы, доп додасының дарабозы Мақсат Байжановтың үлкен спортпен қоштасу рәсіміне жиналып тұрмыз. Мақсаттың спорттық межесі мерейімен айшықталады. Ол жеңісті де, жеңілісті де бастан кешірген, бірақ жеңісі үстем, көргені көп, түйгені мол тартан-боз жігіт. Байжановтың бабы ел біріншілігінде 500-ге жуық ойын өткізіп, 80-ге жуық гол соққан мергендігімен де көрінді. Сондай қысылтаяң шақта команда жауапкершілігін арқалаудың аманаты ауыр болады. Міне, Мақсаттың мықтылығы осынысымен озық тұр. Сол себепті жанкүйерлер оны құрметтейді, қаншама жас буын оған қарап бой түзеуге тырысады. Сыр спорты жасай

ФУТЗАЛШЫЛАР ЭЛИТАЛЫҚ РАУНДҚА ӨТТІ



Алматының «Қайраты» футболдан өткен Чемпиондар лигасының топтық турнирінде үшінші орынды иеленіп, элиталық кезеңге жолдама алды.

Бельгияда өткен жарыстың соңғы кездесуінде «Қайрат» Францияның «Спортингпен» сайысқа түсті. Бәсекені өте қарқынды бастаған ел футболшылары алғашында үш доп айырмашылығымен алға шықты. Бұл голдардың авторлары — Дурен Тұрсағұлов, Каю және Диого Фаверо. Екінші кезең бел ортаға жеткенде қарсыластар тегеурінін қушайтты. Соның нәтижесінде Болина мен Финео есеп айырмашылығын қысқартты. Алайда одан әріге олардың әлі жетпеді. Осылайша 3:2 есебімен жеңіске жеткен алматылықтар элиталық кезеңге күш сынасу құрметіне ие болды. Естеріңізге сала кетейік, бұған дейін «Қайрат» Бельгияның «Халле-Гоиик» (2:2) және Испанияның «Пальма» (2:2) клубтарымен тең ойнаған еді.

Ал Рудныйдің «Аятна» ондай бақ бұйырмады. Алғашқы екі ойында олар Хорватияның «Ново Вриемесмен» (2:2) тең ойнағанымен, Португалияның «Спортингпен» (1:7) есе жіберді. Шешуші матчта отандастарымыз жеңілікті «Пулера» (2:5) жол берді.

ТҰҢҒЫШ ГРОССМЕЙСТЕР



Жуырда шахматтан 20 жасқа дейінгі жастар арасында Әлем чемпионаты өтіп, жерлесіміз Әсел Серікбай күміс жүлдегер атанды. Осылайша Әсел облыс тарихында тұңғыш рет гроссмейстер атағын қорғап қайтты.

Әселді жерлестері әуежайдан күтіп алды. Салтанатты күтіп алу шарасына облыс әкімінің орынбасары Нұрымбет Сақтағанов, облыстық мәдениет және спорт басқармасының басшысы Руслан Рүстемов, спортшылар, жастар және туған-туысы мен әріптестері қатысты.

— Шахмат ойыны шдымдылықты, жауапкершілікті, ыждағаттылықты қажет етеді. Осындай талабы қатаң спорт түрінен облыс спортшылары жоғары табыстарды бағындырып келеді. Әселдің жеңісі — ортақ жетістігіміз. Ол кәсірге дейін ел біріншілігінде 17 рет жеңімпаз атанса, 3 дүркін Әлем чемпионы болды. Оған қоса 7 мәрте Азия чемпионында топ жарды. Ал жақында Италияда өткен Әлем чемпионында күміс медальға қол жеткізді. Қуанарлығы, Әсел елімізде тоғызыншы, облыста алғашқы болып «гроссмейстер» атағын иемденді. Біз әлем біріншілігінде ел абыройын асқақтатқан нәзік те қайсар қызымызды мақтан тұтамыз, — деді Нұрымбет Аманұлы.

Сондай-ақ облыс әкімінің орынбасары алдағы қараша айында өтетін Азия чемпионатында Әсел Серікбай мен Назерке Нұрғалиға сәттілік тіледі.

Кешпілік алдында Әсел Серікбай өзіне қолдау көрсеткен барша азаматтарға ризашылығын білдірді.

— Қуанышыма ортақтасып келгендеріңіз үшін рақмет айтамын. Италияда өткен бәсекеден жеңіске жеткеніме өте қуаныштымын. Алдағы уақытта жоғары табысуға қол жеткізуге күш саламын, — деді ол.

ЖӘНІБЕК ҚАРСЫЛАСЫН ЖЕҢЕ АЛА МА?



Кәсіпқой бокстан WBO нұсқасы бойынша орта салмақтағы әлем чемпионы Жәнібек Әлімханұлы 12 қарашада өз атағын қорғап қалу үшін Дензел Бентлимен күш сынасатыны белгілі болды.

Аталған ұйымның басшылығы АҚШ-тың Лас-Вегас қаласында өтетін жекпе-жекте жеңіске жеткен жағдайда Жәнібекке Хайме Мунгиямен жұдырықтасуды міндеттеді. Бұл қарсыластардың екеуі де өте мықты. Кәсіпқой боксты серік еткен бес жыл аралығында 27 жастағы Бентли 19 кездесу өткізіп, 17 рет жеңіске жетті. 14 қарсыласын нокаутқа жіберді. Бір рет ұтылып, тағы бір бәсекеде тең есеп тіркелді. Оның Ұлыбритания чемпионы деген атағы бар.

26 жастағы Мунгия 2013 жылдан бері кәсіпқой рингте өнер көрсетеді. Сол кезден бері 40 жекпе-жек өткізіп, бірде-бір рет жеңіліс дәмін татқан емес. 32 қарсыласын ұрып жықты. Мексиканың марқасқысы 2018-2019 жылдары бірінші орта салмақ дәрежесінде әлем чемпионы атанды. Кезінде ол Садам Али, Лиам Смит, Брэндон Кук, Гари О'Салливан, Туреано Джонсон, Камилл Шермет, Габриэль Росадо, Димитриус Баллард, Джими Келли сынды саңлақтарды сан соқтырған. 2018 жылы Хайме Геннадий Головкинмен жұдырықтасуға тиіс еді. Алайда Невада штатының атлетикалық комиссиясы «Мунгияның тәжірибесі әлі толысқан жоқ» деп бұл бәсекені өткізбей тастады.

«ТҰРАН БАРЫСЫНДА» ТОП ЖАРДЫҚ



Елімізде алғаш рет қазақ күресінен «Turan Barysu» Азия кубогі өтті. Жарысқа Түркі мемлекеттері ұйымының мүшелері — Түркия, Әзербайжан, Әзербайжан, Қырғызстан, Мажарстан және Қазақстан балуандары қатысып, өзара мықтыны анықтады.

Қазақ күресінің жыл өткен сайын ауқымы кеңеюде. Әлемде 30-дан астам қазақ күресі федерациясы жұмыс істейді. Бүгінде елімізде осы спорт түрімен 120 мыңнан астам жас шұғылданады. Жыл сайын түрлі деңгейде 800-ден аса жарыс өтеді. Сонымен бірге халықаралық деңгейде Азия кубогі, Азия және әлем чемпионаттары секілді халықаралық турнирлер өтеді. Дүбірлі сында балуандар екі топқа бөлініп, айналмалы жүйеде күресті. Мәдениет және спорт министрлігі, «Qazaq kuresi» ассоциациясы, «Qazaqstan barysu» қазақ күресін қолдау және дамыту қорының ұйымдастыруымен өткен турнирге түркі елдерінің ең мықты спортшылары қатысты. Олардың арасында қазақ күресімен қоса, басқа да күрес түрлерінен халықаралық жарыстарда жүлде алып жүрген спортшылар да бар. Мысалы, Әзербайжан құрамасы атынан самбодан екі дүркін әлем чемпионы Эйвас Бақшиев (60 келі) бақ сынады. Ал Мажарстан құрамасы сапында дзюдодан Еуропа чемпионы Эндре Гунич (82 келі), дзюдодан әлем чемпионатының күміс жүлдегері, Еуропаның үш дүркін чемпионы Барна Боуур (+90 келі) Азия кубогінде жеңіс тұғырынан көрінуге барын салды. Дзюдодан Еуропа чемпионы атанған түркиялық Фуран Гүнер де аянып қалмады.

Қазақ күресінен өткен халықаралық жарыста жақсы өнер көрсеткен Әзербайжан құрамасы сапында әлем чемпионы Умид Есанов (82 келі), әлем чемпионы, дзюдодан Азия чемпионы Еркін Козокко (90 келі), үш дүркін әлем чемпионы, қазақ күресінен екі дүркін әлем чемпионы Мухсин Хисомиддинов (+90 келі) бұзқилемге шықты. Ал Қазақстан сапында 90 келі салмақта белдескен Айдарбек Төктербек былтыр қазақ күресінен әлем чемпионы атанған болатын. 90 килодан жоғары салмақта Ғалымжан Қырықбай — «Қазақстан барысы» республикалық турнирінің 2021 жылы күміс, 2022 жылғы қола жүлдегері.

Еліміздегі ұлттық спорт түрін дамыту және қолдау мақсатында ұйымдастырылған, тартысқа толы күрес бәсекесінің жартылай финалында Әзербайжан балуандарын қапы қалдырған қырғыз өрендері қола жүлдені иеленді. Ал ақтық айкас Қазақстан мен Әзербайжан балуандары арасында өтті. Айтулы доданың ақтық бәсекесінде 4:3 есебімен Қазақстан балуандары басым түсіп, «Turan Barysu» додасының жеңімпазы атанды. Алғаш рет ұйымдастырылған күрес сайысында бірінші орын алған команда — 10 000 000 теңге көлемінде қаржылай сыйлық алса, екінші орынға — 6 000 000, үшінші орынға 4 000 000 қаржылай сыйлық және арнайы кубок табыс етілді.

ҚАЗАҚСТАННЫҢ ҚОС ПАНЧЕРІ – АЗИЯ ҮЗДІГІ



Тәжікстан астанасы Душанбе қаласында MMA бойынша Азия чемпионаты өтіп жатыр. Азия біріншілігіне 18 елден 200 шақты спортшы жиналған. Қазақстанның атынан ұлттық құраманың 37 спортшысы қатысуда. Финалға шығу үшін 23 қазақстандық бақ сынаса, оның 15-і жекпе-жекте жеңіліснен аяқтады.

Үшінші күн қазақстандық спортшылар үшін жарқын жекпе-жектермен және мерзімінен ерте жеңістермен ерекшеленді. Бірден екі қазақстандық панчер — Ерулан Қабдулов пен Алик Домини үздік мәрелердің ТОП бестігіне енді.

Жарыс күнін Қазақстан құрамасы 47,6 келі салмақта Түймегүл Жүністің жеңісімен ашты. Ол үндістандық спортшы Хушбу Нишадты ұтып, жеңіске жетті.

52,2 келі салмақта Ерулан Қабдулов Үндістаннан келген Шабариш Аянарды үшінші раундта нокаутқа түсірді. Дархан Исмағұлов пен Руслан Әбдірахманов тәжікстандық спортшылар Вохид Шохидода мен Исрофил Комилзодадан төрешілерінің шешімімен жеңіліп, қола жүлдегер атанды.


Бетті дайындаған: Е.ШӨРІБЕК

ТАҢДАУЫ: ТОП - 5 КӨЛІК

Көшпенді өмір салтын ұстанып, ат үстінен түспеген қазақтар заман көшінен қалмай темір тұлпарды да тәзіңдеп келеді...

Қазақтар мінетін топ-5 көлік брэнді қандай? Елімізде сұранысқа сай жаңа көлік түрлері қамтамасыз етіліп жүр ме?

Көлік сұранысы оның бағасына тікелей байланысты. Сарапшылардың айтуынша, өткен жылдың есебімен қазақстандықтар ең көп алатын бес модельдің қатарына Chevrolet Cobalt, Chevrolet Nexia, Hyundai Accent, Toyota Camry және Hyundai Elantra кіреді...



автомобильдер бойынша екінші орын Chevrolet брэндіне тиесілі. Оның өнімдерін 4 мыңға жуық адам сатып алған. Үшінші орынға 2 мыңға жуық тұтынушының сұранысын қамтамасыз еткен жапондық Toyota компаниясы жайғасқан...

Автоблогер Олжас Оқас: «Қазақтардың «камриге» деген махаббаты туралы проза да, поэма да жазуға болатын шығар. Бірақ орынсыз, негізсіз. Себебі камри баяғыдан бери сатылып келе жатыр...



келген бағаны қоя алады. Тіпті, жыл сайын, ай сайын шарықтаған көлік құны бірнеше жылдық дағдарыстың есесін қайтара алатыны анық.

Алымдар мен салықтар азайса, көлік құны шынымен де арзандай түспек. «Бірақ барлығы бірден болмайды. Баға қандай жағдайда арзандайды?»

Нарықта сұраныстан гөрі ұсыныс көбейген кезде ғана. Мәселен, кішкене жаңа көліктер сайтта, базарда қалпаған кезде ауди 100 ешкімге керек емес болып қалады...

Нарықта сұраныстан гөрі ұсыныс көбейген кезде ғана. Мәселен, кішкене жаңа көліктер сайтта, базарда қалпаған кезде ауди 100 ешкімге керек емес болып қалады. Олардың бағасы төмендейді. Бірақ сұмдық катты арзандай кетеді дегуге сену қиын...

Дина БӨКЕБАЙ

Сыр өңірінде ұйымдастырылған «Болашақ біздің қолымызда» тақырыбындағы облыстық ІТ жобалар хакатоны жастарға үлкен мүмкіндік сыйлайды. Қорқыт ата атындағы Қызылорда университетінде ұйымдастырылған «Smart city Kyzylorda» концепциясы бірнеше ауқымды тақырыптағы үздік жобаларды қамтыған.

«BigMPC» - Ойна! Білімге Ұмтыл!



Шара жастардың инновациялық жобалар мен ақпараттық технологияларға қызығушылығын арттыруды, әрі стартап жобаларды дамытуға бағытталды.

Қорқыт ата атындағы Қызылорда университетінің магистранты Жұлдыз Абушеваның хакатонға ұсынған жобасы мектеп оқушылары үшін қызықты тақырыптармен берілген.

Бүгінде ол білім алумен қатар Тасөбегет орталығындағы дарынды балаларға арналған мектеп-интернатта информатика пәнінен сабақ беруде. «Оқушылардың жаратылыстану-математика бағытындағы пәндерге қызығушылығын арттыру мақсатында жарыс түрінде жүргізілетін жаңа жобаны қолға алғым келді.

Нәтижесінде мобильді қосымша дүниеге келді. Қосымшаның атауы «Bioinformatics Geography Mathematics Physics Chemistry» сөздерінің қысқартылған нұсқасы бойынша таңдалды.

Тағы бір квантарлық аймақта осыған дейін бірнеше мәрте өткізілген ІТ жобалар хакатоны алдағы уақытта да ұйымдастырылады.

«BigMPC»-тің толық құрылымын қысқы мезгіле дейін бітіруге тырысудамын. Ал өзгере бастақшы нұсқасын жетілдірудемін. Бірнеше айдан соң Play market қосымшасына жобаның бірінші нұсқасын саламыз деп жоспарлап отырмыз.

Гүлдана НҰРТАЙҚЫЗЫ

ҚАЗАҚСТАНДЫҚТАРДЫҢ

A circular horoscope chart for the date 3-9 November. It features zodiac signs around the perimeter and detailed text for each sign: Торпақ, Егіздер, Шаян, Арыстан, Биікеш, Сарышан, Мөрген, Тәуешкі, Сұқғыш, Балықтар. The center contains the text 'АҚПАДЫЗ ЖОРАМАЛЫ (3-9 қараша)'.

Көзші редактор: Д.БӨКЕБАЙ

Advertisement for 'Aqmeshit Jastary' magazine. It includes the magazine's logo, contact information for the editor (Amanjol OñAPBAEB) and editor (Meldір ҚАЛЫМБЕТ), and a list of social media handles and website information.